

Խ. Հ. Բաղդյան

ՍՈՒԼԹԱՆԱԿԱՆ ԹՈՒՐԲԻԱՅԻ ԵՎ ԴԱՇՆԱԿՆԵՐԻ ԳՈՐԾԱՐՔԸ
1918 ԹՎԱԿԱՆԻՆ

Հոկտեմբերյան սոցիալիստական Մեծ ռեվոլյուցիայի պատմական հաղթանակը մեծագույն ազատագրական նշանակություն ունեցավ ինչպես Ռուսաստանի աշխատավոր դասակարգերի, այնպես էլ Անդրկովկասի բոլոր ազգերի աշխատավոր դասակարգերի, ներառյալ նաև հայ ժողովրդի, վերջնական ազատագրման համար:

«Մենք միշտ քարոզել ենք, և այժմ էլ քարոզում ենք,— դրում է «Կոմունիստ» շաբաթաթերթը հայ ժողովրդին ուղղված կոչում,— որ հայ աշխատավոր ժողովրդի փրկությունը Ռուսաստանի բանվորա-գյուղացիական խորհրդային իշխանության մեջ է, և ով որ դեմ է խորհուրդների իշխանության հզորությանը, նա դավաճան է, հայ ժողովրդի թշնամին»¹:

Հոկտեմբերյան ռեվոլյուցիայի հաղթանակից հետո, ինչպես Կովկասյան ռազմաճակատի զորամասերում, այնպես էլ երկրամասի բոլոր դավաճներում և քաղաքներում ծավալվում են մասսայական ռեվոլյուցիոն շարժումներ, Ռուսաստանի բանվորների և գյուղացիների օրինակով Անդրկովկասում ևս սովետական կարգեր հաստատելու համար:

Բանվորա-գյուղացիական ռեվոլյուցիոն շարժումների արագ թափով ծավալման հետևանքով 1918 թ. գարնանը Անդրկովկասյան ռեակցիայի սև ուժերը ջախջախվում են Բաքվում ու իշխանությունն անցնում է Բաքվի ռեվոլյուցիոն պրոլետարիատի ձեռքը:

«Բաքվի պրոլետարիատը ձգտում է Անդրկովկասում ստեղծել նոր կառավարություն առանց բեգերի և իշխանների և առանց հայկական նացիոնալիստների, բանվորների և գյուղացիների իշխանություն, սովետների իշխանություն»²,—նշված է Անդրկովկասի բանվորներին և գյուղացիներին ուղղված Բաքվի ժողկոմխորհի կոչում:

Բաքվի Սովետը հետևողական պայքար է ծավալում բուրժուա-նացիոնալիստական բոլի հանդիսացող Սեյմի դեմ, Անդրկովկասի բոլոր մասերում Բաքվի օրինակով Սովետական իշխանություն հաստատելու համար: Այսպիսի պայմաններում է, որ Անդրկովկասի բուրժուա-նացիոնալիստական պարտիաները, երկրամասում բանվորա-գյուղացիական ռեվոլյուցիոն շարժումները ճնշելու և իշխանությունն իրենց ձեռքը վերցնելու համար, ժամանակավորապես հրաժարվում են իրենց ներքին տարաձայնություններից, ԱՄՆ-ի և Անտանտայի օգնությամբ, ստեղծում են հակաժողովրդական, հակասովետական կոալիցիա՝ սկզբում Անդրկովկասյան կոմիսարիատը (1917 թ. նոյեմբերի 24-ից 1918 թ. փետրվարի 23-ը), իսկ այնուհետև Անդրկովկասյան Սեյմը, որը բացվում է

¹ «Կոմունիստ» շաբաթաթերթ, Մոսկվա, 1918, № 1

1918 թ. փետրվարի 23-ին, Երկրամասում բանվորա-գյուղացիական ուսուցիչի շարժումները ճնշելու և Սովետական Ռուսաստանի դեմ պայքարելու համար:

ԱՄՆ-ի և Անտանտայի իմպերիալիստների կողմից ստեղծված Անդրկովկասյան Սեյմը, 1918 թ. դարնանը, ժամանակավորապես հրաժարվում է անդլու-ամերիկյան օրինադրությանից և սկսում է վարել գերմանա-թուրքական օրինադրության, որպեսզի գերմանա-թուրքական իմպերիալիստների սվինների օգնությամբ կարողանա ճնշել Երկրամասում ծավալվող բանվորա-գյուղացիական ուսուցիչի շարժումները: Այդ նպատակի համար էլ հենց Սեյմը «Երկրամասը հանձնում է թուրքական նվաճողների ձեռքը»²:

Սեյմի քաղաքականության այդ փոփոխությունը նախ և առաջ բացատրվում է նրանով, որ 1918 թ. դարնանը և ամռանը գերմանական խմբավորմանը հաջողվում է արևմտյան ռազմաճակատում և Մերձավոր Արևելքում մի շարք լուրջ հաջիմանակներ տանել անդլու-թուրքական գործերի նկատմամբ, հասնելով տակտիկական բավական մեծ հաջողությունների, անգամ վտանգ ստեղծելով Փարիզի նկատմամբ:

Անտանտայի պետությունների համար ստեղծված այդ լուրջ վտանգի պայմաններում, նրանք չեն կարողանում հարկ եղած ռազմական ու տնտեսական օգնությունը ցույց տալ Սեյմին, Երկրում բանվորա-գյուղացիական ուսուցիչի շարժումները ճնշելու և նրա տիրապետությունը ամրապնդելու համար: Որից հետո, Անդրկովկասի բուրժուա-նադիմադրության պարտիաներն իրենց հույսը դնում են գերմանա-թուրքական իմպերիալիստական լուրի վրա, որպեսզի գերմանա-թուրքական իմպերիալիստների սվինների օգնությամբ կարողանան վերջ տալ Երկրամասում ծավալվող բանվորա-գյուղացիական շարժումներին, տապալեն Բաքվի Սովետական իշխանությունը և իրենց տիրապետությունը հաստատեն նաև Բաքվում:

Անդրկովկասի ժողովուրդների, մասնավորապես հայ ժողովրդի, համար ստեղծված այդ ահեղ վտանգի պայմաններում, 1918 թ. ապրիլի 9-ին հրավիրվում է Անդրկովկասյան Սեյմի արտակարգ նիստը, որտեղ քննարկվում է Անդրկովկասի, այսպես կոչված, անկախության և նրա օրինադրությանի հարցը: Վրացական մենչևիկների պարագլուխ Չխեիձեն ուղղակի հայտարարում է. «...ավելի լավ է Թուրքիայի դիրքն անցնել, քան բոլշևիկներին հարել»³: Ռասուլ-Ջադեն հայտարարում է. «Ինչ անհապաղ հայտարարել Անդրկովկասի անկախությունը»⁴: Խան Խոյսկին, Ռուսուրբեկովն ու մյուսները, նույնպես պահանջում են «...Կովկասը անջատել Ռուսաստանից և թուրքական պրոտեկտորատ հռչակել»⁵:

Ապրիլի 9-ի նիստում հանդես են գալիս նաև զաշնակցության ֆրակցիայի ղեկավարները, որոնք ոչ միայն պաշտպանում են մենչևիկների և մուսավաթականների ֆրակցիաների ղեկավարների առաջարկները, այլև միաժամանակ ավելացնում են. «Քանի որ Անդրկովկասը անջատվել է Ռուսաստանից, անհապաղ պետք է բնորոշել թուրքական օրինադրությանը»⁶:

² Документы внешней политики СССР, т. 1, М., 1957, էջ 343—344.

³ Նույն տեղում, էջ 342.

⁴ Տե՛ս Ս. Մ. Երկրամաս, Հոգվածներ և ճառեր, 1953, էջ 375.

⁵ «Մշակ», 1918, № 76.

⁶ Նույն տեղում.

⁷ «Մշակ», 1918, № 76.

Այսպիսով, Սեյմի բուրժուա-նացիոնալիստական բոլոր պարտիաները, հակառակ ժողովրդի ցանկություններ, միաձայն որոշում են ընդունում Անդրկովկասը Սովետական Ռուսաստանից անջատելու և դերմանա-թուրքական օրինակաբան ընդունելու մասին:

Սակայն Սեյմի այդ դավաճանական որոշումը հանդիպում է Անդրկովկասի աշխատավոր մասսաների համառ դիմադրությունը և առաջ է բերում խորը դաշրույթ: Այդ առթիվ Անդրկովկասի մի շարք քաղաքներում և գավառներում՝ Սուխումի, Փոթի, Գորի, Թրիլիսի, Դուշետ, Բաքու, Գանձակ, Շուշի, Իրևան, Ալեքսանդրապոլ, Ղարս և այլն կազմակերպվում են բողոքի ցույցեր և միտինգներ, որտեղ դատապարտվում է Սեյմի այդ պորժուենությունը, միաժամանակ Սեյմը անվանելով «ուլուրպատուրների մի շայկա»:

Սովետական իշխանությունը դատապարտելով Սեյմի դավաճանական, հակաժողովրդական դորժուենությունը, միաժամանակ հետևողականորեն պաշտպանում է Անդրկովկասի աշխատավոր մասսաների շահերը. «Կովկասի ճակատագրի հարցը, — նշել է այդ մասին Դ. Վ. Չիչերինը 1918 թ. հունիսի 4-ին Սովետների 5-րդ համագումարում, — Բեռլինում հրավիրվող քաղաքական կոմիտեայի օրակարգումն է դրված»:

Սովետական կառավարությունը, Անդրկովկասը Սեյմի կողմից Սովետական Ռուսաստանից «անկախ» հռչակելու առթիվ, 1918 թ. մայիսի 11-ին իր բողոքի նոտան է ուղարկում գերմանական կառավարությանը, որտեղ նշում է. «Անդրկովկասի անջատումը երբեք չի ճանաչվել Ռուսական Սովետական կառավարության կողմից: ...Արտաքին գործերի կոմիտեարիտը այդ առթիվ առաջարկում է, որպեսզի բանակցությունները թուրքական սահմանագլխի մասին տեղի ունենան ոչ այլ ոքի հետ, այլ միայն Ռուսական Սովետական կառավարության հետ»⁸:

Այսպիսին է եղել Սովետական կառավարության դիրքը վերոհիշյալ հարցի նկատմամբ:

Սակայն, հակառակ Անդրկովկասի ժողովուրդների և Սովետական կառավարության ցանկություններին, Անդրկովկասի Սեյմը բանակցություններ է սկսում գերմանա-թուրքական իմպերիալիստների հետ Անդրկովկասը նրանց հանձնելու և նրանց զինված ուժերի միջոցով ուսուցիչ շարժումները ճնշելու պայմանների մասին:

Այդ բանակցություններն սկսվում են Տրապիզոնի, այնուհետև Բաթումի կոնֆերանսներում: Բաթումի կոնֆերանսը սկսվում է 1918 թ. մայիսի 11-ին և վերջանում է հունիսի 4-ին, որտեղ ստորագրվում է դաշնակիների և սովետական Քուրբիայի միջև «բարեկամության» և «խաղաղության» պայմանագիր:

Բաթումի պայմանագրի 1-ին հոդվածում նշվում է, որ «Օսմանյան կայսերական կառավարության և Հայկական հանրապետության կառավարության միջև հաստատվում է կայուն խաղաղություն և հարառակ բարեկամություն»⁹:

⁸ Документы внешней политики СССР, т. I, М. 1957, № 353.

⁹ Г. В. Чичерин, Статьи и речи по вопросам международной политики, М. 1961.

17 42.

¹⁰ Документы внешней политики СССР, т. I, М. 1957, № 285.

¹¹ ЗУПН ԿՊԱ, ֆ. 68/200, ք. № 11, ք. 99—100.

Պայմանագրի 2-րդ հոդվածը վերաբերվում է երկու պետությունների սահմաններին, որի համաձայն «անկախ» Հայաստանին մնում է ընդամենը 9.000 ք. կ. տարածություն, 6 կմ երկաթուղով, 324.385 լւնակիչներով:

Պայմանագրի 4-րդ հոդվածը վերաբերվում է թուրքական կառավարության կողմից դաշնակներին ցույց տրվող սահմանական օգնությանը, Հայաստանում «կարգ» և «կանոն» պաշտպանելու համար. այսինքն՝ ռեյտինգի շարժումները ճնշելու համար:

Այդ մասին 4-րդ հոդվածում նշված է հետևյալը.

«Օսմանյան կայսերական կառավարությունը պարտավորվում է ղեկի ուժով օգնության հասնել Հայաստանի հանրապետական կառավարությանը այն դեպքում, երբ վերջինս կիսնդրի այդ մասին երկրում կարգ և հանգստություն ապահովելու համար»¹²:

Այսպիսով, Թաթումիի պայմանագրով սուլթանական Թուրքիայի և դաշնակների միջև ստեղծվում է ռազմա-քաղաքական դաշինք, որն ուղղված էր Հայաստանի աշխատավորական լայն մասսաների կենսական շահերի դեմ:

Պայմանագրի 5-րդ հոդվածում նշվում է, թե «Հայաստանի հանրապետության կառավարությունը պարտավորվում է եռաճյուղի դիմադրել հրոսակախմբերի կազմակերպման և սպառազինման իր տերիտորիայի սահմաններում, ինչպես և դինաթափել և ցրել այն հրոսակախմբերը, որոնք կղան այնտեղ թաքնվելու»¹³:

Պայմանագրի 5-րդ հոդվածը վերաբերվում է հայկական այն զորամասերին, որոնք ոչ միայն դատապարտում էին դաշնակների դավաճանական, թուրքասիրական քաղաքականությունը, այլև միաժամանակ չէին ենթարկվում դաշնակների կառավարությանը և շարունակում էին պայքարը թուրքական օկուպանտների դեմ (նկատի է առնված հայկական հարվածող զորամասը):

Դաշնակների կառավարության պատվիրակությունը Ավ. Ահարոնյանի գլխավորությամբ, 1918 թ. հուլիսի 18-ին շտապ հեռագրում է Երևան, թե «Օսմանյան բանակի Կովկասյան ռազմաճակատի հրամանատարությունը հայտնել է իր կառավարությանը այն մասին, թե հայկական զորամասերը և առանձին ջոկատներ խանդարտում են թուրքական զորքերի տեղափոխումը Սարդարաբադից դեպի Զուլֆա երկաթգծով: Ուստի խնդրում ենք ամենակտրուկ միջոցները ձեռնարկել թուրքական զորքերի դեմ բոլոր տեսակի թշնամական գործողությունները արագ կերպով լիկվիդացնելու համար»¹⁴:

Սույն պայմանագրի 11-րդ հոդվածով դաշնակցության կառավարությունը պարտավորություն է վերցնում բոլոր ջանքերը գործադրել հայկական դինված ուժերը Բաքվից դուրս բերելու և Բաքվի գրավումը թուրքերի կողմից արագացնելու համար:

Այդ մասին պայմանագրի 11-րդ հոդվածում նշված է. «Հայկական հանրապետության կառավարությունը պարտավորվում է գործադրել իր բոլոր ջանքերը, որպեսզի սույն պայմանագիրը ստորագրելուց անմիջապես հետո, Բաքու քաղաքից հեռացնի այնտեղ գտնվող հայկական զինվորական ուժերը»¹⁵:

¹² ՀՍՍՌ ԿՊԱ, ֆ. 68/200, գ. № 11, ք. 99—100:

¹³ Նույն տեղում:

¹⁴ ՀՍՍՌ ԿՊԱ, ֆ. 222, գ. 12, ք. 18:

¹⁵ ՀՍՍՌ ԿՊԱ, ֆ. 68/200, գ. № 11, ք. 99—100:

Այսպիսով, զաշնակների պարտիան պարտավորվում է օգնել սովթանական Թուրքիայի հրոսակախմբերին՝ Սովետական իշխանությունը տապալելու և Բաքվի ռևոլյուցիոն պրոլետարիատին լնաջնջելու համար:

Այսպես է ստեղծվում զաշնակների և սովթանական Թուրքիայի միջև ռազմա-քաղաքական զաշինք, որն ուղղված էր հայ ժողովրդի և Բաքվի պրոլետարիատի դեմ:

Բաթումիի պայմանագրի վերջին և միաժամանակ 14-րդ կետը, վերաբերում է պայմանագրի վավերացման ժամկետին, որտեղ նշված է. «Ներկա զաշնագիրը կվավերացվի և վավերացումները կփոխանակվեն Կ. Պոլսում մեկ ամսվա ընթացքում, կամ ավելի շուտ և հնարավորության սահմաններում ուժի մեջ կմտնի այդ փոխանակության օրից»¹⁶:

Այսպիսով, Բաթումիի պայմանագրով ստեղծված «ազատ» և «անկախ» Հայաստանը դառնում է փաստորեն սովթանական Թուրքիայի մի պրովինցիան: Իսկ «ազատ» և «անկախ» Հայաստանի ղեկավարները դառնում են հայ ժողովրդի դահիճներ՝ Թալևաթի, էնվերի և Ջեմալի հյուսպասավորներ:

Բաթումիի վերահիշյալ պայմանագրից լացի, զաշնակների և թուրքական պատվիրակության միջև ստորագրվում են երեք պայմանագրեր ևս, որոնք վերաբերվում են երկաթուղային սարքավորումները, Հայաստանի խճուղային ճանապարհները թուրքական հրամանատարության տրամադրության տակ դնելուն, որպեսզի թուրքական զորքերը արագ կերպով Հայաստանի տերիտորիայի վրայով շարժվեն դեպի Ադրբեջան և Զուլֆա:

Բացի դրանից, սույն պայմանագրով «անկախ» Հայաստանի կառավարությունը պարտավորություն է վերցնում Հայաստանի տերիտորիայի վրայով շարժվող թուրքական բանակին մատակարարել պարեն և ֆուրաժ, թուրքական հրամանատարության կողմից սահմանված զենքով, լայց փաստորեն ձրի, երբ հայ ժողովուրդը արյունաբամ էր եղել:

Բաթումիի այդ ստորացուցիչ պայմանագիրը ստորագրելուց հետո, զաշնակցության պատվիրակության ղեկավար Ալ. Խատիսյանը սեղմում է թուրքական պատվիրակության ղեկավար՝ արդարադատության մինիստր Խալիլ բեյի ձևորը և հայտարարում, թե «Այս փառավոր օրը հանդիսանում է մի նշանավոր տարեթիվ հայ ժողովրդի պատմության մեջ»¹⁷:

Ալ. Խատիսյանի հայտարարության առթիվ Բաթումիի կոնֆերանսում, ղեկներալ լեյտենանտ Վեհիր փաշան պատասխան ճառում հայտարարում է, թե «Հայկական պետությունը մենք համարում ենք մեր երկխան»¹⁸:

Իսկ Բաթումիից վերադառնալուց հետո, Ալ. Խատիսյանը Թիֆլիսում, Ադդային խորհրդի նիստում իր արտասանած ճառում նշում է, թե «...թուրքերը զարգացած և ճենթմեն մարդիկ են և Թուրքիո հայերը չեն կրցած անոնց հետ վարվելակերպ ունենալ»¹⁹: Այսինքն՝ հայկական ջարդերի պատճառը եղել են իրենք՝ հայերը:

Դեռ մայիսի 28-ին, Հայաստանը սովթանական Թուրքիայի կողմից «անկախ» ճանաչվելուց անմիջապես հետո, զաշնակցության պատվիրակությունը

¹⁶ Նույն տեղում:

¹⁷ ՀՍՍՌ ԿՊԱ, ֆ. 200, դ. 11, թ. 99—100:

¹⁸ Նույն տեղում, դ. 74, թ. 37:

¹⁹ ՀՍՍՌ ԿՊԱ, ֆ. 200, դ. 11, թ. 99—100:

անմիջապես հեռագրում է Կ. Պոլիս, ողջունելով սուլթանին, միաժամանակ նշելով. «Ձերդ գերազանցություն, Անդրկովկասի ռեսպուբլիկան քայքայվելուց հետո, Կովկասի Հայկական ազգային խորհուրդը մայիսի 28-ին իր նիստում որոշեց Հայաստանը հայտարարել անկախ պետություն ... Հայաստանի ռեսպուբլիկայի կառավարությունը սլատիվ ունի այդ մասին հաղորդելու Ձերդ գերազանցությանը: Ընդունեք մեր խորին հարգանքը: Ահարոնյան, Քաջազնունի, Ալ. Խատիսյան»²⁰:

Բաթումիի պայմանագիրը ստորագրելուց հետո, հայ ժողովրդի դահլիճ էնվեր փաշան, նախապատրաստվում է «դաշնակից» Հայաստանի վրայով անցնել Գանձակ, դեպի Սովետական Բաքու արշավող թուրքական հրոսակախմբերին հրահանգավորելու համար: Դաշնակների ղեկավարները մեծ նախապատրաստական աշխատանք են տանում էնվեր փաշային արժանավայել դիմավորելու և հանդյանալու համար:

Այդ մասին Բաթումիի կոնֆերանսի տատվիրակությունը անմիջապես հեռագրում է Թիֆլիս, Ազգային խորհրդի նախագահ Ահարոնյանին, որտեղ նշում է. «Սիրելի Ավետիս... մի քանի օրից հետո էնվեր փաշան գալիս է Ալեքսանդրապոլ, այնտեղից գալու է Գանձակ. իսկ հետո Բաքու: Լավ կլինի, որ դիմավորեք Ալեքսանդրապոլում և արժանավայել վերաբերմունք ցույց տաք»²¹:

Բաթումիի պայմանագիրը ստորագրվելուց մի քանի օր հետո, երբ դաշնակների կառավարությունը թուրքական զինվորների հովանավորությամբ փոխադրվում է Երևան, հրապարակում է իր ղեկավարացիան, որտեղ նշված է. «Ամրացնել օսմանյան կայսրության հետ հաշտություն և բարի-դրացիական հարաբերություններ հաստատել նրա հետ»²²:

Այնուհետև շարունակվում է ղեկավարացիայում. «Խստիվ կատարել այն բոլոր պարտավորությունները, որ մենք հանձն ենք առել օսմանյան կայսրության հանդեպ»²³:

Դաշնակների կառավարության այդ ղեկավարացիան հրապարակվելուց հետո, «Զանգ» թերթը Բաթումիի պայմանագրի վերաբերյալ խմբագրական հոդվածում գրում է. «Այդ բարեկամության դաշինքով սկիզբ է դրվում մի նոր և ավելի երջանիկ փոխադարձ հարաբերությունների շրջանի... թե՛ Հայաստանի հանրապետության և թե՛ օսմանյան կայսրության միջև»²⁴:

Այնուհետև շարունակվում է, թե «...այդ բարեկամությունից Թուրքիան շահելու է ոչ պակաս, եթե ոչ ավելի քան Հայաստանը»²⁵:

Դաշնակների և սուլթանական Թուրքիայի միջև ստեղծված բարեկամական հարաբերությունների մասին Կ. Պոլսի «Իգդամ» խորագրով թերթը գրում է. «Կհաստատվի այսօր օսմանյան կառավարության և իր զինակիցներուն բարյացակամությամբ Հայկական կառավարություն մը»²⁶:

Դաշնակների գլխավորած կառավարության և սուլթանական Թուրքիայի միջև այսպիսի ռազմա-քաղաքական դաշինք ստեղծվելուց հետո, դաշնակները

²⁰ Նույն տեղում, դ. 96, թ. 10:

²¹ Նույն տեղում, թ. 14:

²² «Զանգ», 1918 թ., № 42:

²³ Նույն տեղում:

²⁴ Նույն տեղում, № 43:

²⁵ Նույն տեղում:

²⁶ Նույն տեղում, № 42:

օրդան «Ձանգ» թերթը գրում է հետևյալը. «Հեռու չէ այն օրը, երբ Ռուսաստանը վերջնականապես մաքրված կլինի բոլշևիկներից»²⁷։

Սուլթանական Թուրքիայի հետ այդպիսի հարաբերություն է ստեղծվում մենշևիկների և մուսավաթականների կողմից, որոնք կոնֆերանսի ժամանակ հայտարարում են, թե «... Թուրքիայի հետ միշտ բարեկամ ենք եղել և բարեկամ էլ պիտի մնանք»²⁸։

Այսպիսին է եղել դաշնակների բարեկամական գիրքը երիտասարդ թուրքերի կառավարության նկատմամբ։ Սակայն Բաթումիի «բարեկամության» պայմանագիրը ստորագրվելուց հետո էլ փաստորեն շարունակվում էր թուրքերի թշնամական քաղաքականությունը հայ ժողովրդի նկատմամբ։ Այդ մասին գերմանական օկուպացիոն զորքերի գլխավոր հրամանատար գեներալ Ֆոն Կրեսսը 1918 թ. օգոստոսի 4-ին Թիֆլիսից Գերմանիայի արտաքին գործերի մինիստր գրաֆ Բուրիանին ուղարկած ղեկուցագրում ուղղակի նշում է, թե «Թուրքիայի քաղաքականությունը պարզ է։ Թուրքերը տրամադրություն ունեն բնաջնջելու հայերին։ Հայերին հետապնդում են որտեղ որ հնարավոր է, պրովակացիայի ենթարկում և առիթներ են փնտրում նոր հարձակումների համար»²⁹։

Սակայն, այդ բոլորից հետո, դաշնակների ղեկավարները մինչև այսօր էլ դեռ փառաբանում են Բաթումիի կողոպտիչ այդ պայմանագիրը, նշելով «Փառք Հայաստանի անկախության լուսապայծառ թվականին, 1918 թ. մայիսի 28-ին»³⁰։

Բաթումիի պայմանագրից հետո, դաշնակների կառավարությունը կազմում է 7 հոգուց բաղկացած մի պատվիրակություն՝ Ավետիս Ահարոնյանի գլխավորությամբ Կ. Պոլսի կոնֆերանսի աշխատանքներին մասնակցելու համար, որտեղ պետք է վավերացվեր Բաթումիի պայմանագիրը գերմանա-թուրքական ըլոկի պետությունների կողմից։

Դաշնակցության պատվիրակությունը մինչև Կ. Պոլսի կոնֆերանսի բացումը մի շարք հանդիպումներ է ունենում սուլթանի և թուրքական կառավարության ղեկավարներ՝ Թալեաթի, էնվերի և Ջեմալի հետ։ Պատվիրակության անդամները այդ հանդիպումների ժամանակ մի շարք ստորաքարշություններ են անում թուրքական կառավարության ղեկավարների առջև։

Հունիսի 21-ին պատվիրակությունը ընդունվում է Թալեաթ փաշայի կողմից։ Այդ ընդունելության ժամանակ պատվիրակության ղեկավար Ավ. Ահարոնյանը, դաշնակցության պարտիայի և կառավարության անունից հետևյալ ճառն է ասում. «Ձերդ գերազանցություն, կվստահացնենք Ձեզ, որ Թուրքիո հայերու վիճակը մեզ երբեք չեն շահագրգռել։ Մենք եկանք միայն խորհրդակցելու համար Կովկասյան հայերու հանրապետության մասին և որոշելու համար մեր սահմանները ու գիրքը, մեր զորավոր դրացին և պաշտպան եղող Օսմանյան պետության հետ, որու բարեկամական հակումները մենք տեսանք Բաթումում տեղի ունեցած բանակցությունների ժամանակ»³¹։

²⁷ Նույն տեղում, № 78։

²⁸ «Ձանգ», 1918, № 78։

²⁹ Dr. Johannes Lepsius, Deutschland und Armenien 1914—1919, Potsdam, 1919, էջ 424—425։

³⁰ «Հայրենիք», 1955 թ. մայիսի 28, № 1305, Բոսթոն։

³¹ ՀԱՍՏԻ ԿՊԱ, ֆ. 200, գ. 13, թ. 21։

Այնուհետև շարունակում է. «Նախ և առաջ մենք կուզենք համաձայնության գալ մեր զորեղ զրաքի՝ Օսմանյան պետության հետ, որուն սահմանակից ենք, որմե շատ օգնություններ կսպասենք»³²։

Թալեաթ փաշան զաշնակցական կառավարության պատվիրակության այդպիսի հարցադրման առթիվ հետևյալ պատասխանն է տալիս. «Դուք միշտ հավատարիմ եք եղել Թուրքիային և միայն վերջին ժամանակներս շնորհիվ եվրոպական պետությունների զրգուրմների անցաք Թուրքիայի թշնամիների կողմը... Բայց այժմ հանգամանքները բոլորովին փոխվել են և ձեռնարկած միջոցներն էլ ըստ որում հիմնովին պիտի փոխվեն»³³։ Այսինքն՝ նախկին զործարքը նորից պետք է վերականգնվի։

Դաշնակցության պատվիրակության անդամները մյուս օրը՝ հունիսի 22-ին, ընդունվում են հայ ժողովրդի մյուս դահիճ՝ Թուրքիայի ռազմական մինիստր էնվեր փաշայի կողմից, որտեղ ևս ստորաքարշություններ են տեսնում։ Ավետիք Ահարոնյանը էնվեր փաշայի մոտ արտասանած ճառի ժամանակ աղերսում է էնվերին, որպեսզի «Թուրքիան հանձն առնի ապահովելու զաշնակցների միջոցով (խոսքը Թուրքիայի զաշնակցների մասին է — խ. Վ.) որպեսզի Ռուսաստանը չառարկի Հայաստանի անկախության դեմ»³⁴։ Այսինքն՝ Թուրքիան և իր զաշնակցները հարկադրեն Ռուսաստանին, որպեսզի նա հրաժարվի Անդրկովկասից և Հայաստանից։

Դաշնակցության ղեկավարները Թալեաթի և էնվերի մոտ արած ստորաքարշությունների ժամանակ այնքան են հեռու գնում, որ մինչև անգամ առաջարկում են Բաթումիի «բարեկամության» պայմանագրով ստեղծված «ազատ» և «անկախ» Հայաստանը, որն ունեցել է ընդամենը 9.000 ք. կ. տարածություն, որի պետական սահմանն անցնում էր Նորադավիթ գյուղի մոտով և էջմիածնի մատուցներով, մոցվի օսմանյան կայսրության մեջ կոնֆեդերացիոն կապերով։

Այդ մասին հայտնում է զաշնակցական պատվիրակության գործերի կառավարիչ և քարտուղար Հակոբ Քոչարյանը իր հուշատետրում։ Նա գրում է, որ սեպտեմբերի 13-ին, Երեկոյան ժամը 9,30-ին տեղի ունեցավ պատվիրակության 22-րդ նիստը Ա. Խատիսյանի նախագահությամբ և Հ. Քոչարյանի քարտուղարությամբ³⁵։ Այդ նիստում ի թիվս այլ հարցերի որոշվել է.

«Թուրքիայի սահմանները ապահովելու համար Ռուսաստանի կողմից պետք է Թուրքիայի հետ կապվի և նրա կազմի մեջ մտնի կոնֆեդերացիոն կապերով ամրոգջ ավտոնոմ Հայաստանը»³⁶։

Դեռ դրանից առաջ Թուրքական «Իզդամ» խորագրով կենտրոնական թերթը, 1918 թ. հունիսի 30-ին, 7684 համարում արտատպում է Թուրքական կառավարության ղեկավարների և զաշնակցների պատվիրակության անդամների նկարները, միաժամանակ զրկելով հետևյալը. «Մեր քաղաքում գտնվող Կովկասյան հայ հանրապետության լիազոր պատվիրակությունը, որի կազմում են նախագահ Ահարոնյանը, Ալ. Խատիսյանը, Գ. Խատիսյանը, Հակոբ Քոչարյանը, Թու-

³² Նույն տեղում։

³³ ՀՍՍՌ ԿՊԱ, ֆ. 200, ց. 13, № 1։

³⁴ ՀՍՍՌ ԿՊԱ, ֆ. 200, ց. 23, թ. 75։

³⁵ Նույն տեղում, էջ 79։

³⁶ Նույն տեղում։

նիաթյանը և զորավար Կորդանուլը իրենց թուրք առաջնորդներու և հյուրասիրողներու հետ»³⁷։

Հուլիսի 11-ին զաշնակցության պատվիրակության անդամներն այցելում են սուլթանին, նրան ողջունելու և առողջությունը հարցնելու, Բայրամը շնորհավորելու համար՝ «Ընդունելությունը եղավ շատ սիրալիր»³⁸, — զրում է զաշնակցություն պարտիայի հիմնադիրներից մեկը՝ պատվիրակության քարտուղար Հակոբ Քոչարյանը, իր հուշատետրում, որը պահվում է մինչև այժմ Պետ. արխիվում։

Պատվիրակության ղեկավար Ահարոնյանը զաշնակների կառավարության անունից ողջունելով թուրքական սուլթանին, հայտարարում է. «Հայ ժողովուրդը երբևէ չի մոռանա, որ Օսմանյան կառավարությունը առաջինն էր, որ առաջ քաշեց Հայաստանի անկախության իդեան և նրա ճանաչումը»³⁹։

Թուրքական սուլթանը իր հերթին ողջունելով զաշնակցության կառավարության պատվիրակությանը, միաժամանակ ավելացնում է, թե ինքը «Արտակարգ ուրախ է, երբ իր մոտ է տեսնում ազատ և անկախ Հայաստանի ներկայացուցիչներին, որին ցանկանում է ոչ միայն բարեկամել, այլև ուժեր իր անկախությունը պաշտպանելու համար»⁴⁰։

Այսպիսին է եղել զաշնակների թուրքասիրական քաղաքականությունը Կ. Պոլսի չկայացած կոնֆերանսի շրջանում։

Զաշնակցության պատվիրակությունը Կ. Պոլսում մնում է մի քանի ամիս (հունիսի 21-ից սեպտեմբերի վերջը)։ Այդ ժամանակամիջոցում պատվիրակությունը ունենում է մի շարք նիստեր, որտեղ քննարկվում են զանազան հարցեր, զխավորապես զաշնակցության կառավարության և Թուրքիայի փոխհարաբերության հարցերը։

Կ. Պոլսի կոնֆերանսը, որտեղ զերմանական խմբավորման պետությունների կողմից պետք է վավերացվեր Թուրքիայի և Անդրկովկասի բուրժուանացիոնալիստական կառավարությունների միջև Բաթումիում ստորագրված «բարեկամության» պայմանագրերը, տեղի չի ունենում։

Կ. Պոլսի կոնֆերանսի ձախողումը ունեցել է մի քանի լուրջ պատճառներ։ Դրանցից էին Գերմանիայի և Թուրքիայի միջև Անդրկովկասը ազդեցության ոլորտների բաժանելու հարցում առաջացած հակասությունները։

Գերմանական կառավարությունը զեմ էր, որպեսզի Թուրքիան խախտի Բրեստի պայմանագիրը և ներխուժի Անդրկովկաս։ Գերմանիան ձգտում էր միակողմանի կերպով Անդրկովկասի օկուպացմանը։ Գեներալ Լյուդևիգսթր 1918 թ. հունիսի 8-ին զերմանական զխավոր շտաբի անունից հետևյալ բողոքն է ուղարկում զենեքալիսիմուս էնվեր փաշային, նշելով՝ «Գերմանական կառավարությունը իր բողոքն է հայտնում այդ առթիվ, միաժամանակ նշում այդ վարքագծի ծանր հետևանքների մասին»⁴¹։

Այդ պատճառով էլ զերմանական պատվիրակությունը չի մասնակցում Բաթումիի կոնֆերանսին։ Ընդհակառակը՝ զերմանական պատվիրակությունը Ֆոն

37 ՀՍՍԻ ԿՊԱ, ֆ. 200, գ. 23, թ. 3։

38 Նույն տեղում։

39 Նույն տեղում, ֆ. 222, գ. 12, թ. 208—209։

40 Նույն տեղում։

41 Dr. Johannes Lepsius, Deutschland und Armenien 1914—1918. Potsdam, 1919, Լ, 399։

Հոսովի գլխավորությամբ դեմոնստրատիվ կերպով հեռանում է Բաթումի կոնֆերանսից: Դրանից հետո, 1918 թ. օգոստոսին գերմանական գլխավոր շտաբում քննվում է Անդրկովկասի հարցը: Այդ նիստում գեներալ Լյուդենդորֆի առաջարկությամբ ընդունվում է հետևյալ դեկրետը, թե «Վրաստանի հետ բանակցությունները վերջացել են (այսինքն՝ Գերմանիայի տիրապետությունը հաստատվել է Վրաստանում — Խ. Բ.), հերթը հասել է Հայաստանին, Ադրբեջանին և Հյուսիսային Կովկասին»⁴²:

Այնուհետև նշում է. «Հայաստանի և Ադրբեջանի համար Թուրքիայի հետ ստորագրած պայմանագիրը պետք է փոխարինվի նոր պայմանագրով, որի հիման վրա, այդ նոր պետությունների և քառյակ զաշնակիցների միջև պետք է հաստատվի տնտեսական և քաղաքական նոր հարաբերություններ»⁴³:

Գերմանական կառավարությունը այդ նույն կարծիքը հայտնում է նաև Բեռլինում գտնվող զաշնակցության կառավարության ներկայացուցիչներին, թե «Բաթումիում միայն Թուրքիայի հետ ստորագրած պայմանագիրը, առանց մյուս զաշնակիցների, չի կարող ճանաչվել Գերմանիայի և նրա մյուս զաշնակիցների կողմից»⁴⁴:

Այս բոլոր փաստերը վկայում են այն մասին, որ գերմանական իմպերիալիստները բոլոր միջոցները գործադրեցին թուրքական իմպերիալիստներին Անդրկովկասից վռնդելու և իրենց տիրապետությունը հաստատելու համար:

4. Պոլսի կոնֆերանսի չկայանալու մյուս գլխավոր պատճառը՝ դա Սովետական Ռուսաստանի պայքարն էր՝ Անդրկովկասից դուրս վռնդելու համար թուրքական իմպերիալիստներին, որոնք փաստորեն վարում էին պանթուրքական քաղաքականություն ոչ միայն Անդրկովկասի, այլև Միջին Ասիայի նկատմամբ: Սովետական կառավարությունը այդ առթիվ բազմաթիվ բողոքի նոտաներ է ուղարկում թուրքական կառավարությանը և կտրուկ կերպով պահանջում է թուրքական կառավարությունից զորքերը դուրս տանել Անդրկովկասի սահմաններից:

Սովետական կառավարության հանձնարարությամբ, Սովետական Ռուսաստանի արտաքին գործերի կոմիսար Գ. Վ. Չիչերինը 1918 թ. սեպտեմբերի 20-ին նոր բողոքի նոտա է ուղարկում թուրքական կառավարությանը, որտեղ նշվում է, թե «Ռուսաստանի Սովետական ֆեդերատիվ սոցիալիստական ռեսպուբլիկայի կառավարությունը հարկադրված է գտնելու, որ Օսմանյան կառավարության գործողությունները փաստորեն ոչնչացրել է Ռուսաստանի և Թուրքիայի միջև ստորագրված Բրեստ-Լիտովսկու պայմանագիրը, որով հաստատվել էր խաղաղ հարաբերություններ այդ երկու պետությունների միջև»⁴⁵:

Սովետական կառավարության այդ նոտայից հետո թուրքական կառավարությունը հարկադրված է լինում բանակցություններ սկսել Սովետական կառավարության հետ Անդրկովկասի նկատմամբ առաջացած կոնֆլիկտը խաղաղ ճանապարհով կարգավորելու համար: Բանակցություններն սկսվում են 1918 թ. սեպտեմբերի 21-ին Բեռլինում Թալեաթ փաշայի և Սովետական կառավարության դիվանագիտական ներկայացուցչության միջև: Թուրքական կառավարու-

⁴² Dr. Johannes Lepsius, Deutschland und Armenien 1914—1918, Potsdam, 1919, էջ 409—410:

⁴³ Նույն տեղում:

⁴⁴ ՀՍՍՌ ԿՊԱ, ֆ. 222, դ. 11, թ. 26—27:

⁴⁵ ՀՍՍՌ ԿՊԱ, ֆ. 200, դ. № 17, թ. 58—59:

թյան ներկայացուցիչները հարկադրված են լինում ընդունել Սովետական կառավարության առաջարկությունը՝ թուրքական զորքերը Բաքվից և Անդրկովկասից դուրս բերելու, մինչև Բրեստ-Լիտովսկու պայմանագրով նախատեսված սահմանը:

Թալեաթը այդ բանակցությունների ընթացքում միաժամանակ հայտարարում է, թե. «Թուրքիան ոչ մի մտադրություն չունի խառնվելու Կովկասյան գործերին, մտադիր չէ իր տերիտորիան ընդարձակել Կովկասի հաշվին և անհապաղ կհեռացնի իր զորքերը Անդրկովկասից»⁴⁶:

Սակայն Թալեաթ փաշան կոնկրետ կերպով չի նշում, թե թուրքական զորքերը Անդրկովկասից դուրս բերելուց հետո այդ տերիտորիաները կհանձնեն Սովետական Ռուսաստանին, թե ոչ:

Ընդհակառակը, թուրքական կառավարության ղեկավարները, Թալեաթ փաշայի գլխավորությամբ, գաղտնի բանակցություններ են սկսում Անտանտայի պետությունների հետ, իրենց զորքերը Անդրկովկասից հեռացնելուց հետո Անդրկովկասը նրանց հանձնելու մասին, որը տեղի է ունենում 1918 թ. աշնանը, Թուրքիայի և Անտանտայի միջև Մուդրոսի զինադադարը ստորագրելուց հետո:

Գերմանա-թուրքական օկուպացիոն զորքերը Անդրկովկասից հեռանալուց անմիջապես հետո, անգլո-ամերիկյան գաղութարարները՝ մենչևիկների, դաշնակների և մուսավաթականների աջակցությամբ, օկուպացնում են Անդրկովկասը:

Հրաժարվելով թուրքա-գերմանական զրկախառնումից, Անդրկովկասի ժողովուրդների թշնամիները այս անգամ զրկախառնվում են Անտանտայի իմպերիալիստների հետ, և նրանց օգնությամբ պահպանում իրենց արյունոտ տիրապետությունը — դաշնակցական, մենչևիկյան ու մուսավաթական բռնապետությունները: Ոչ միայն արյունաքամ են անում Անդրկովկասի եղբայրական ժողովուրդներին՝ բաշիրուզուլային թալանի ու շահատակության միջոցով, այլև հրահրում են հայ-ադրբեջանական, հայ-վրացական արյունահեղ պատերազմներ, ճնշելով այդ ժողովուրդների ազգային ու սոցիալական ազատագրման ձրգտումները և իրենց կարճատև, կեղտոտ տիրապետության ընթացքում արյան մեջ խեղդում Անդրկովկասի, այդ թվում Հայաստանի աշխատավորության ունելուցիոն ընդվզումները:

Աշխատավորների այդ ցասումից ահաբեկված դաշնակները իրենց նոր տերերի հորդորներով արյան մեջ խեղդեցին Հայաստանի Մայիսյան ապստամբությունը:

Իսկ երբ «Իսթանկամ» Թուրքիան 20-ական թվականներին պատրաստում էր իր նոր արշավանքը Հայաստանի վրա, և Սովետական Ռուսաստանը իր օգնությունն էր առաջարկում՝ Թուրքիայի ներխուժման դեմ, դաշնակցականները մերժեցին այն: Իսկ երբ ապստամբությամբ իշխանություններ են ձևավորվում Հայաստանի բանվորներն ու գյուղացիները Կոմունիստական պարտիայի գլխավորությամբ փրկեցին հայ ժողովրդին վերջնական բնաջնջումից — դաշնակցությունը նորից նետվեց թուրքական զավթիչների գիրկը՝ Ալեքսանդրապոլի դեմտեմբերի 2-ի իր պայմանագրով՝ թուրքական յաթաղանը հռավիրելով՝ հայ ազատագրվող ժողովրդի իշխանության դեմ:

46 «Կոմունիստ» շաբաթաթերթ, 1918, № 9, էջ 14:

Հայաստանը և հայ ժողովրդին Թուրքիայի բարբարոս տիրապետության վասալը դարձնելու ստոր պայմանագրով հիմնադրեց զաշնակցությունն իր արյունոտ տիրապետությունը հայ ժողովրդի վրա և նույն Թուրքիայի օգնությամբ փորձեց խանգարել հայ ազատագրված ժողովրդի անկախությունը ղեկտեմբերի 2-ի իր կեղտոտ պայմանագրով:

Իր «պետականության» թե՛ ստորոգի սկզբնավորման և թե՛ նույնքան ստոր ու վերջնական ավարտի պահին զաշնակցությունը դորժակից էր դարձել հայ ժողովրդին բնաջնջող բարբարոս պանիսլամիզմի քաղաքականությունն իրականացնողների հետ և առանց ամոթի ու լկտիարար շարունակում է մեծարել իր այդ չարագործությունների արդյունքը հանդիսացող իր թե՛, «անկախ հանրապետությունը»՝ Բաթումիի զաշնակցությամբ «հանրապետություն» խրտվիչակը: